

GABON KANTAK

OLENTZERO

Olentzero joan zaigu
mendirra lanera
intentzioarekin
ikatza egitera.
Aditu duanean,
Jesus jaio dela
lasterka etorri da,
berri ematera.

Horra horra,
gure olentzero!
pipa hortzean duela
eserita dago.
Kapoiak ere baitu,
arraultzatxuakin,
bihar meriendatzeko
botila ardoakin. (berriz)

Olentzero buru handia,
entendimentuz jantzia.
Bart arratsian
edan omen du,
bost arrobako zahagia.
Ai urde tripa haundia!
TRALARARA TRALARARA
Ai urde tripa haundia!
TRALARARA TRALARARA.

DIN DON DAN

Din don dan
Din don dan
Gabonak dira.
Txistua, danborra,
goazen jotzera (berriz)

Izar eder bat
zeruan dago,
hiru errege
urrunetik datoz (berriz)



GABON

Gabon, gabon, gabon
Bon, bon, bon.
Egin daigun guztiok
Bon, bon, bon.
Gabonak pasa eta
zelai eder baten
hamaika neska-mutil
morokila jaten.

GABON GABEAN



Gabon gabeen egiten dugu
Guztiok afari ona
Bixigu, legatz, makailu saltsa
Bakoitzak berak al duna.
Gero txurrit plin plan
Ardo ta pattarra katua hartuta
Zabu-zabuka.



HATOR, HATOR

Hator, hator mutil etxera
gaztaina zimelak jatera.
Gabon gaba ospatutzeko
aitaren ta amaren ondoan.
Ikusiko duk aita barrezka
amaren poz atseginez

Eragiok mutil aurreko danbolinari
gaztainak erre artean, (berriz)

Txipli, txapla pum!
Gabon gaba pozik igaro daigun.

ALAKEN

Alaken, alaken,
ala pikula tun paire,
errespun dela
pikula tunpa
Olentzero ikazkina zen.
(berriz)

Adiskideok! ikusi duzue
zelai horietan artzaina,
artzain txiki,
artzain handi
artzain mutur leuna.

Alaken, alaken,
ala pikula tun paire,
errespun dela
pikula tunpa,
Olentzero ikazkina zen.



OILARRAK KANTA KANTARI

Oilarrak kanta kantari
kukurruku kukurruku!
oilarrak kanta kantari
kukurruku kukurruku!

Eguberri gaua ospatzen
kukurruku kukurruku!
Jesus jaio da Belenen
kukurruku kukurruku!

Atzetik txitoak ere,
Txio txio txioka!
Atzetik txitoak ere,
Txio txio txioka!

Eguberri gaua ospatzen
Txio txio, txio txio!
Jesus jaio da Belenen,
Txio txio txioka!